

РОССИЙСКАЯ АКАДЕМИЯ НАУК  
ИНСТИТУТ РУССКОЙ ЛИТЕРАТУРЫ (ПУШКИНСКИЙ ДОМ)

# ТРУДЫ ОТДЕЛА ДРЕВНЕРУССКОЙ ЛИТЕРАТУРЫ

---

L 50

III 1282091  
ДБ

С.-ПЕТЕРБУРГ

1997

Г. М. ПРОХОРОВ

## Житие и чудеса Нила Сорского в списке первой четверти XIX в.

Жития Нила Сорского, написанного знавшими его людьми или с их слов, мы не знаем. «Есть известие, — пишет А. С. Архангельский, — что в первое время после его смерти (ум. 1508) существовало какое-то „писание о святом житии его“; но в 17046 (1538) году было разорение от казанских людей: „тогда же и писание о святом житии его тамо же згорѣ <...> и тако писания не остана о немъ...“ <...> Действительно ли житие пр. Нила сгорело, или причина его уничтожения не была так случайна — отвечать довольно трудно», — комментирует ученый.<sup>1</sup>

В этом разительный контраст Нила Сорского с его противником в вопросе нестяжания, Иосифом Волоцким, которому в XVI в. было посвящено по крайней мере три жития, и все они до наших дней сохранились.<sup>2</sup>

Но сочинения старца Нила с их духовно-целительной силой возбуждали, конечно, интерес к личности их автора, и в первую очередь — у обитателей им созданного скита. В XVII в. человек, хорошо знакомый с условиями и правилами жизни в ските, по-видимому, служивший там, написал «Повесть о преподобном отце нашем Ниле и о того честней обители...».<sup>3</sup> В XVIII в. тоже, судя по всему, в самом ските были написаны статья «О пришествии преподобнаго отца нашего Нила Сорского чудотворца» и «Изложение отчасти чудес преподобнаго отца нашего Нила чудотворца» (по рукописи РНБ, собр. Погодина, F.I, № 260, XVIII в., их опубликовал А. С. Архангельский).<sup>4</sup>

Затем в 10—20-х гг. XIX в. в Нило-Сорском ските была полууставом написана и переплетена в кожаный переплет рукописная книга, хранящаяся теперь в Российской Национальной библиотеке (НСРК, Q. 98), содержащая целую подборку материалов, объединяемых именем Нила Сорского. Здесь находятся, как показывает ее оглавление, «Слова преподобного отца нашего Нила Сорского Чудотворца, 3 послания его, и Житие, и отчасти чудеса его».

Листая книгу, мы видим следующее:

л. 2 — «Важнейшия правила жизни христианской, преподобным Нилом Сорским из Слова Божия и писаний святых отцов извлеченные, zde для

<sup>1</sup> Архангельский А. С. Нил Сорский и Вассиан Патрикеев: Их литературные труды и идеи в Древней Руси. Ч. 1. Преподобный Нил Сорский. СПб., 1882. С. 1—2. (ПДП. Т. 16). со ссылкой на «Рукоп. бывш. библи. Царского, XVIII в., № 138, стр. 68. Некрасов: Зарождение нац. литер. в северн. Руси. 1870, стр. 50».

<sup>2</sup> См.: Житие Иосифа Волоцкого // Словарь книжников. Вып. 2, ч. 1. С. 273.

<sup>3</sup> См.: Прохоров Г. М. Повесть о Нило-Сорском ските // Памятники культуры. Новые открытия: Ежегодник 1976. М., 1977. С. 12—20.

<sup>4</sup> Архангельский А. С. Нил Сорский... Приложение 1. С. 1—10.

удобнаго понятия на Российском языке переведенныя». Это перевод «Устава» Нила Сорского на русский язык;

л. 49—59 об. — 3 послания, перед которыми на л. 45 об. мелко написано: «Сии три послания преп. Нила Сорского Чудотворца не переведены на Россиски языкъ, но на славянскомъ списаныи»;

л. 60 — «Месяца маиа въ 7 день. Житие преподобнаго отца нашего Нила Сорскаго Чудотворца, начальника и учредителя монашескаго скитскаго житиа въ России, по уставу и преданию святыхъ отецъ»;

л. 71 об. — «О чудесахъ преподобнаго отца нашего Нила Чудотворца. Чудо первое»;

л. 77 — «Чудо второе»;

л. 78 об. — «Чудо третье»;

л. 81 об. — «Свидетельство грѣш<наго> і<еромонаха> Никона». Эта запись сделана темно-коричневыми чернилами скорописным почерком XIX в. со странной пунктуацией (мы далее ее воспроизводим).

Перед нами, таким образом, — большой труд, посвященный в первой четверти XIX в. преподобному Нилу Сорскому: кто-то из обитателей скита (в послесловии астор пишет: «...мы, здѣ живущии монаси...») сделал перевод «Устава» на современный ему русский язык, переписал послания Нила, составил его «Житие» и присоединил «Чудеса». Нетрудно заметить, что этот человек был знаком с тем, что до него в ските было написано о Ниле Сорском, — и с Повестью, и со статьей «О пришествии...», и с «Чудесами». Но эти сочинения, в отличие от посланий Нила, он не переписал, а так или иначе использовал (в «Житии») или отредактировал («Чудеса»).

Не называя себя, этот переводчик-автор-редактор пишет о себе в конце своей работы: «Азь же грѣшнѣйшій, елико возмогохъ собрати, написахъ со многимъ опасениемъ и тщаниемъ, по силѣ моей, о всѣмъ житии преподобнаго отца, такожде и о чудесѣхъ его, — не яко разумъ в ведение имѣя въ сицевыхъ, грубъ сый весма и неразумия всякаго исполненъ, но любовицею влекомъ къ лобезному мне богоносному отцу и на его помощь надеяся...».

Предлагаю здѣсь вниманию читателей Житие и Чудеса Нила Сорского по этой рукописи, сохраняя квадратные скобки, используемые писцом для выделения некоторых мест, а свои необходимые вставки делая в угловых скобках.

#### ПРИЛОЖЕНИЕ

### МЕСЯЦА МАИА ВЪ 7 ДЕНЬ.

### ЖИТИЕ ПРЕПОДОБНАГО ОТЦА НАШЕГО

### НИЛА, СОРСКАГО ЧУДОТВОРЦА, НАЧАЛНИКА И УЧРЕДИТЕЛЯ МОНАШЕСКАГО СКИТСКАГО ЖИТИЯ ВЪ РОССИИ ПО УСТАВУ И ПРЕДАНИЮ СВЯТЫХЪ ОТЕЦЪ

Сию райскую вѣтвь израсти Великая Россия и, якоже повѣствуется от нѣкихъ, царствующій градъ Москва тому отечество бѣше. От киихъ же родителей рождень бѣ, сего увѣдѣти не возмогохомъ; точию сие несумненно есть, яко — от вѣрныхъ и благочестивыхъ и яко воспитанъ бѣ в добромъ наказании, и страху Божию, и к чтению книгъ прилѣженъ.

Проходлаше же первее, якоже повѣствуется, должность скорописца. Таже, разсмотревъ мира сего суету и вся оставивъ, пострижесе во обители преподобнаго Кирилла, иже на Бѣлѣзере.

И живяше богоугодно, проходя вся монастырская послушания усердно и со всякимъ опасствомъ и вниманиемъ. И различными трудами плоть утомляше, молитвою же, и вниманиемъ, и чтениемъ Писаний душу, умъ и сердце очищаше. И тако день от дне преуспѣвая, от силы в силу идяше, степени во своемъ сердце полагая.

Удаляшеся же всячески от миролюбивыхъ и не внимающихъ своему спасению. Зане видяше многих, не по Божь жителствующихъ и в попечениихъ бесловесныхъ и о притяжании паче, нежели о своихъ душахъ, пекущихся и не внимающихъ божественному Писанию и преданиямъ святыхъ отецъ. Сицевыхъ ошавашеся, внимающимъ же прилѣпляшеся и приемляше от такихъ пользу.

О семъ самъ о себѣ извѣляя [в Послании къ некоему любимому себѣ брату], написа сице: «Егда живяхъ въ началѣ во обители, или монастырѣ, всякихъ соглѣтений мирскихъ удаляхся и творихъ дѣлание по божественному Писанию». Зѣло бо храняше опасно святой Писания и предания древнихъ богодухновенныхъ и святыхъ отецъ и по сихъ житие свое поправляше.

Тако ему богоугодно жителствующу во обители преподобнаго Кирилла, прииде ему желание видѣти и поклонитися сущимъ на Востоцѣ святыхъ мѣстомъ, идѣже Господь нашъ наше спасение содѣла, и посетити жилища святыхъ тамо сущихъ отецъ и пользу от нихъ себе прияти. Приемъ убо благословение, поиде.

И, обшедь святая мѣста, сущия в Палестинѣ, прииде и во Святую гору Афонскую, обыде тамо монастыри и уединенная жилища монашеския, такожде и въ скитѣхъ безмолвствующия и уединяющияся святыхъ отцы обходя, многую от нихъ приемляше пользу. Ового бо посту и воздержанию чудяшеся, другаго совершенному нестяжанию и ницетѣ ревноваше, инаго терпѣливому подражати тщашеся, инаго же постоянному и мужественному терпѣнию во искушениихъ удивляшеся и ублажаше. От некихъ же и образу внимания и умнаго трезвения, или умныя молитвы, научашеся. И сице от всѣхъ, яко пчела любопремудрая и трудолюбивая, сладки добродѣтелей медь собираше, имже не точно себѣ, но по возвращении во отечествіе свое желающихъ быти подражател'ми добродѣтельнаго его житія изобилно питае.

Сице убо и в сихъ упражняшеся преподобный во странствии своемъ, навиче добръ житию тамо сущихъ святыхъ отецъ, чиноположению и уставу и различнымъ иноческимъ добродѣтелямъ. По доволномъ времени пребывания своего во Святой горѣ, такожде и во окрестностѣхъ Царяграда, вся жилища иноческая обшедши и от всѣхъ пользу приемши, во отечествіе свое [яко добрый и искусный купецъ со многымъ прибыткомъ и духовнымъ обогащениемъ] возвратися. И паки во обитель преподобнаго Кирилла пришедь, сотвори себе келлию внѣ монастыря и поживъ ту нѣкое время въ постѣ и молитвахъ и во иныхъ постническихъ, иже навиче, подвигахъ.

Таже вожделевъ совершеннѣйшаго безмолвия и уединеннаго пребывания, изыде убо и обходяше пустыню, ища себе угоднаго ко пребыванию мѣста. Таже прииде на речку, Сора именуемую. Мѣсто же оно ниско и благисто, и неудобопроходимо бяше. Ту убо возлюби жити преподобный.

Первое водрузи крестъ на мѣстѣ томъ и келлицу созда пребывания ради. Таже ископа кладезь. По семъ уготова мѣсто построения ради церкви, поносивъ своими руками земли, понеже, якоже речеся, мѣсто ниско и благисто бѣ.

Живяше же ту преподобный первее единъ, токмо со единымъ ученикомъ своимъ, Иннокентиемъ именовемъ, с нимъ в'купе пришедшимъ, иже въ трудехъ ему помогаше. Таже начаше приходити къ нему желающии жителствовати при немъ и имѣти его себѣ наставника и пастыря и ко спасению

руководителя. Он же первое много отрицаше и не приемляше, не хотя быти пресѣцаему безмолвию его и бѣгая тяготы началства. Вѣдѣше бо святыи, колико тяжка есть вещь еже прияти на себе попечение о душах и носити имя пастырское, къ сему же и смиренномудрѣ сущи велми, глаголаше себе быти грѣшна и неразумна. Но обаче, елико онъ отрицаше, толико они стужаху ему и неотступно прошаху, да будетъ имъ пастырь и да приметъ ихъ в свое сожитие.

Разсмотревъ убо блаженный и видѣ, яко воля Божия есть на сие, да приемлетъ истинно спасатися желающихъ, начать убо примати приходящихъ, и предаваше имъ сия, да во всѣмъ послѣдуютъ преданіямъ святыхъ отецъ и да хранятъ заповѣди Божия: отнюдь не вносити извѣтовъ, глаголюще, яко нынѣ невозможно жити по Писанию и преданію святыхъ отецъ. «Но аще и немощни есмы, [глаголаше святыи.] елика сила есть, должны подобитися и послѣдовати стопамъ святыхъ и приснопамятныхъ отецъ нашихъ, и тѣхъ преданія опасно хранити». Аще ли же бы кто не изволялъ в сихъ хранении пребывати, таковыхъ отнюдь не принимаше. Жалающихъ же тако жити принимаше съ любовію.

Написавъ же и Уставъ монашескаго скитскаго жителства, по образу и чиноположенію древнихъ великихъ святыхъ отецъ и якоже видѣ и навиче во Святыи горѣ Афонстѣи во время своего тамо пребыванія; тако предаде и во своемъ скитѣ.

Уставъ же бяше сичевый. Живяху кийждо особь во своей келии, растояниемъ другъ от друга яко на вержение камене, такожде и от церкви. Созда бо блаженный храм во имя преподобный </> Ефрема Сирина, егоже и житію во всѣмъ подражаше.

Пребывающе же въ келліяхъ своихъ, упражняхуся в молитвѣ и рукодѣліи. От труда рукъ своихъ питахуся. Аще же недоставаше имъ на нужную потребу, то мало и милостыни принимаху от христоробцевъ.

Въ субботы же и недели, собирающеса в церковь, службы совершаху вкупѣ и паки по келліямъ расхождахуся. Такожде и егда праздникъ Господьскій, или Богородичный, или нѣкимъ святымъ, вкупѣ собирающеса въ церковь, службу совершаху и паки, якоже речеса, по келліямъ своимъ расхождахуся.

Аще же и раздѣлно живяху, кийждо бо еже творяше рукодѣліе, приносаше къ настоятелю. Пищу же и одежду от него приемляху.

Не попускашеса же отнюдь кому что творити по своей воли, или исходити камо без благословенія настоятеля. Аще ли же бы кто что сотворилъ самочинно по своеволю, таковый изгонимъ бываше от сопребыванія. Такожде и стяжанія каковаго-либо кому имѣти отнюдь не позволяшеса.

Аще кому из братій случашеса впасти в нѣкое прегрѣшеніе, абие теще къ настоятелю, исповѣдая свое согрѣшеніе, и от него приемляше прощение. Такожде и помыслы своя вся исповѣдаху отцу своему, и от него приемляху в сихъ исцѣленіе, зѣло бо искусень бѣ преподобный во врачеваніи болезнованій душевныхъ. И даръ разсужденія имѣаше болший паче иныхъ дарованій и нужнейший, и симъ много ползоваше иже при немъ живущихъ братію, такожде и приходящихъ к нему ползы ради.

О самого же преподобнаго отца Нила житія устроении что речемъ? Не бо возможно словомъ изъяснити и сказати того премногя подвиги. Создавый наединѣ сердца челоувѣковъ Богъ нашъ, — Той единъ вѣсть яже творяше предъ Нимъ в тайнѣ блаженный и готовляше ему многое за сие воздаяніе. Намъ же зѣло малая от премногихъ его подвиговъ и изрядныхъ дѣяній и чудесъ в веденіе приидоша. *<Около слова поставлена звездочка и над строккой следом за такой же звездочкой написано более черными чернилами другою, кажется, рукой: простотою оставлена быша без писанія>*, или написана

суща, но нерадениемъ и небрежениемъ, или инымъ каковымъ образомъ уничтожена быша. Обаче свѣтъ добродѣтельныхъ его дѣяний и во тмѣ невѣдения свѣтло свѣтитя. Не благоволилъ бо Господь такому свѣтильнику под спудомъ неявления крыему быти. Тако бо рече: «Да просвѣтитя свѣтъ вашъ предъ чловѣки, яко да, видяще ваша добрая дѣла, и прославятъ Отца вашего иже на небесѣхъ» <Мф. 5:16>.

Малая убо от многихъ, елика увѣдети возмогохомъ сего богоносного и святого мужа добродѣтельная дѣяния написаша. О жестокомъ же его житии и совершенномъ нестяжании и нищетѣ, еже есть корень и основание иночеству, нѣсть нужды много глаголати <ставка над строкой более черными чернилами: и писати>. Самое бо мѣсто, егоже избра себе ко пребыванию, скорбно и уныло суцо и не удобъ проходимо мирскими чловѣки и незнаемо, ясно свидетельствуетъ о семъ. Такожде и о постѣ и о многомъ его воздѣржании: иже бо вся оставивъ — не токмо миръ и вся яже въ немъ мнящаяся быти слакая </>, но и сопребывания со многими <ставка более черными чернилами: и> во обительхъ, бѣгая чревоустройства и неполѣзныхъ попечений удалився, възыщетъ ли сладкихъ и многихъ брашень? Явѣ убо есть, яко зѣло жестокое и постническое превождаше святой житие.

Свидетельствуетъ о семъ власяница, яже доднесь видима есть, при гробѣ его висяща. Сими убо и болшими сихъ тѣлѣсными труды [ихже, якоже пред'рехомъ, невозможно свовомъ </> из'явити] дѣянии <исправлено черными чернилами на: садѣяния> къ видению достиже. Непрестанною бо молитвою и умнымъ трезнениемъ толчко в боговидении успѣ, яко ни помраченнымъ попечен'ми житѣйскими умомъ постигнути, ни же словомъ из'явити или сказати есть мощно. Сице убо преподобный и богоносный отецъ нашъ Ниль и чувственнѣ в тѣлѣсныхъ трудѣхъ, и мысленнѣ, очищая умъ отъ страстѣй, подвизая, сотворися домъ и жилище Божие.

Но уже время повѣдати и честную предъ Господемъ смерть преподобнаго отца. По доволныхъ убо богоугоднаго своего жителства лѣтѣхъ, приближися ко блаженному скончанию своему. Поувѣдевъ сие прежде нѣкаго времени </>, ученика своего Иннокентия призвавъ, прорече ему нѣкая хотящая быти по преставлении его и посла его въ Вологодский уѣзъ </> на реку Нурому, рекъ ему: «Богъ тя имать прославити тамо, и составиши общее житие. Здѣ же по-единому имуть жити братия в келлияхъ своихъ». Написа же и Завѣтъ ученикомъ своимъ о погрѣбении тѣла своего сицевый:

«Во имя Отца и Сына и Святаго Духа. Завѣщаваю вамъ, моимъ при-  
снымъ господиямъ и братьямъ, единомысленнымъ мне:

Молю вас, по скончании моемъ, тѣло мое грѣшное поверзите в пустыни, да изядятъ е зверие и птицы, понеже много согрѣшило есть и недостойно погрѣбения. Аще же сице не восхоцетъ сотворити, то на мѣстѣ, идѣже живемъ, ископавше ровъ, со всякимъ безчестиемъ погребите мя. Бойтесь же словесе, еже великий Арсеній завѣща своимъ ученикомъ: „На судѣ стану с вами, аще дадите кому тѣло мое“. Тщание бо имѣхъ елико по ситѣ моей, дабы никоеяже славы или чести сподобленъ быть вѣка сего, якоже в житии семъ, тако и по смерти моей. Молю же всѣхъ: помолитесь о души моеи грѣшной. И от всѣхъ прошу прощения, и от меня прощение: Богъ да проститъ всѣхъ».

Сицевое завѣщание написавъ преподобный и собравшимся к нему ученикомъ его послѣднее отеческое наставление, благословение же и прощение подавъ, и нѣкая быти имущая по преставлении его прорекъ, мирно испусти душу свою в руцѣ Божии.

Ученицы же его, пѣвше надгробная, со многими слезами погрѣбоша многотрудное и святое тѣло пастыря и учителя и отца своего на мѣстѣ, еже самъ уготова, якоже прежде речеса, на погрѣбение себѣ, идѣже послѣди и

церковь создана бысть над гробомъ его во имя святаго Иоанна Предтечи и Крестителя Господня.

Прослави бо Богъ угодника своего, и подавахуся исцѣления от святаго его гроба съ вѣрою приходящимъ, и нынѣ подаются, во славу дивнаго во святыхъ Своихъ Бога нашего.

Преставися преподобный отецъ нашъ Ниль в лѣто от сотворения мира 7017, от Рожества же Христова 1508, месяца маиа въ 7 день, в 3-ю неделю по Пасцѣ, святыхъ жень Мироносицъ. Всѣхъ же лѣтъ жития его бѣ, якоже глаголють, семьдесятъ и пять.

Тако соверши богоугодное течение свое преподобный и богоносный отецъ нашъ Ниль, приять премногимъ своимъ постническимъ трудоположнымъ подвигомъ конецъ, въкупѣ же и славы вѣнецъ от подвигоположника всѣхъ Бога, воздающаго достойную мзду противу трудовъ его. Намъ же остави яко нѣкий залогъ богодухновенная и спасительная своя премногия ползы исполненная словеса и писания, не потаивъ и не скривъ таланта, егоже и премногихъ своихъ подвиговъ и потовъ стяжа, но всемъ преподаде желающимъ спастися. Якоже бо самъ мужески подвизася на диавола и вся того раженныя стрѣлы угаси и сокруши, и подвѣди <?> того некрѣпкую силу, сице и насъ научаетъ вооружатися противу онаго богодухновенными своими словеса. Разумъ бо словесъ его обдержание имать сицево:

«Како подобаетъ проходить дѣлание инокомъ, истинно желающимъ спастися в послѣдняя времена сия, чувственнѣ же и мысленнѣ, по божественнымъ Писаниямъ и преданиямъ святыхъ отецъ.

О различии мысленной борьбы и победы, и како памитию <!/> Божию и хранениемъ сердца побѣждати страсти.

Како и чемъ укреплятися при усилении борбы.

О хранении своего духовнаго дѣлания.

О борбе со осмию помыслы и побѣдѣ над ними.

О смертной памяти.

О слезахъ, — како сия стяжати, и хранении оныхъ.

О совершенной безпопечительности и бестрастии.

О разсуждении и молитвѣ.

И протчая.

В сихъ его писанияхъ, ихже аще кто разумно и внимательно прочтетъ, узритъ весь таинственнаго иноческаго жителства законъ и не востребуеть поистиннѣ многихъ книгъ для научения сему. А яко сие истинна есть, здѣ мало нѣчто на средѣ принесемъ от премудрыхъ и премногия ползы исполненныхъ того словесъ и поучений, уверения ради невѣдущимъ, да от сихъ разумеваютъ и от протчихъ. Пиша бо о внимании и борении съ помыслы, сице глаголетъ:

«Понеже благимъ помысломъ послѣдующе, лукавыи [помыслы] входятъ въ насъ, то подобаетъ покушатися молчати мыслно даже и от мнящихся благихъ помысловъ и зрети присно во глубину сердечную и глаголати умную, или Иисусову, молитву».

И паки: «Аще и блага разумения явятся вещей нѣкихъ, не внемли тѣмъ, но держи воздыхание, якоже мощно, и умъ в сердце затворяя. Вмѣсто оружия призывай Господа Иисуса часто и пришежно. И отбѣгнуть помыслы от тебе, яко огнемъ, палими невидимо божественнымъ именемъ».

О молитвѣ совершенныхъ сице рече: «Во время молитвы восхищаетъ умъ внѣ хотѣния въ мысли безплотныхъ в то вре <так!> превъше всего чувственнаго. Кипитъ из сердца присно сладость нѣкая и привлечитъ человека всего из всего непостижно на время. Нападаетъ на все тѣло пища нѣкая и радование, якоже языкъ плотски не можетъ сия изрещи, дондеже вся земная пепель и умѣты вменитъ въ памяти своей. И егда наидеть человекъку

оная пища, тогда мнѣть сицевый во онъ часъ, яко нѣсть ино что Царствие небесное, точию сие». И протчая.

От сихъ убо явѣ есть, колико высокое имѣяше сей великий отецъ ума просвѣщение и духовную мудрость, и яко дѣлатель и во искусе бѣ, яже и совершенствомъ въ дусѣ и видѣниемъ от святыхъ отецъ именовашеся.

Колико же великое имѣ смирение святый сей отецъ, нѣсть возможно словомъ изрещи. Толикихъ бо великихъ сподобленъ суци дарований, и во искусе, якоже речеся, и самодѣлатель и самозритель бывъ неизреченныхъ сихъ, «в' ня же, — по апостолу, — желаютъ и аггели приинкнути». Глаголаше себѣ быти грѣшна, препроста и невѣжу, и ни же слышания о сихъ достойна.

О, глубокаго смиренномудрия божественнаго мужа! Что бо можетъ болши и вышше сего достоинство быти, еже на высотѣ бестрастия стати, паче же всѣхъ послѣднейша и грѣшнейша себе вмѣняти!

Но на предлежащая да возвратимся и скажемъ поне мало нѣчто о чудесѣхъ сего богоноснаго и при<сн>опамятнаго отца.

## О ЧУДЕСАХЪ ПРЕПОДОБНАГО ОТЦА НАШЕГО НИЛА ЧУДОТВОРЦА

### ЧУДО ПЕРВОЕ

Прешедшимъ бо нѣколикимъ лѣтомъ по преставлѣнии его, иже всегда прославляяй святыя Своя Богъ нашъ прослави и сего преподобнаго Своего чудодѣйствиемъ сицевымъ.

Купецъ нѣкий, царствующаго града Москвы житель, плѣненъ бысть безбожными агаряны, или турки, и пребысть в томъ плѣнении нѣколько лѣтъ </> в велицемъ озлоблении и теснотѣ. Моляшеся же о избавлении своемъ от плѣна ко Господу Богу и призывая на помощь угодниковъ Его. Бѣ бо благочестивъ и богобоязливъ человекъ оный, к сему же и богатъ зѣло, имѣяй имения многа въ дому своем, жену же и чада. И о семь велми печаловаше, и от многия печали впаде в болѣзнь и страждалше от обою: от болезни и от печали.

Во едину же ночь, сномъ тонкимъ уснувшу ему, явился мужъ нѣкий свѣтель, монашески одѣянъ, и рече ему: «Человѣче, обѣщайся написати образъ преподобнаго Нила, и будещи в дому твоємъ». Той же ощутився от тонкаго сна, и хотѣ поклонитися явившемуся и спросити его, но явивыйся претворися яко в молнию, и свѣтъ велий восия въ храминѣ той. Оный же человекъ бысть во ужасѣ и размышляше в себѣ, недоумѣвая, кто — Нилъ преподобный и гдѣ обрѣтается, и моляшеся со слезами Богу, призывая на помощь Нила преподобнаго.

Въ другую убо ночь паки явился ему преподобный, якоже и прежде, и рече ему: «В Бѣлозѣрскомъ уѣздѣ Ниль Сорский, от Кирилова монастыря въ 12 вѣрстахъ». Абие же вскочивъ человекъ оный от одра своего скоро, хотя видѣти явѣ преподобнаго, и поклонитися ему, и подробно спросити, но той паки преложися во свѣтъ, и многое благоухание бысть, якоже и первее. Той же ужасомъ, вкупѣ и радостію объять бысть, благодарственныя гласы на небо возсылаше, глаголя: «Воистинну, Господи, Ты послалъ еси угодника Своего на избавление мое!», — и плакася ночь оную и глаголаше <на поле вставка тою же, кажется, рукой: в себѣ>: «Какowymъ подобиемъ написати образъ твой, о святче Божий, не вѣмъ».

Явился убо ему третіе преподобный Ниль и положи при возглавѣи его изображение свое, на листѣ начертано, и рече: «Человѣче Божий! Возьмѣ



листъ сей, иди во отечествие свое, в Россійскую землю». И, сие рекъ, абие невидимъ бысть. Онъ же, скоро воставъ, обрете изображение преподобнаго Нила, на листъ начертанное, при возгавии его лежащо, сердце же свое неизреченныя радости исполненно, Богу и угоднику Его велие благодарение возсылаше.

Оле чудесе! Како прославляетъ Богъ угодника Своего!

Не вѣдяше же пути челоувѣкъ оный боголюбивый и не знаяше, камо итти, и о семъ в недоумѣнии бывъ, нача молитися со многими слезами ко Господу Богу и угоднику Его, преподобному Нилу Чудотворцу. И абие бысть к нему гласъ, глаголющий: «Челоувѣче, иди нощию в степь, и узриши звѣзду свѣтосиянную пред собою. Той послѣдуй, и сохраненъ будеши от безбожныхъ агарянь».

Слышавъ же сей гласъ боголюбивый той мужъ, укрепися в вѣрѣ и уповании на Бога и угодника Его. Воставъ, иде дерзновенно в степь нощию. И явися пред нимъ звезда свѣтлая, предидущая и путь ему показующая. Он же идяше по ней, моляся непрестанно мыслию к Богу и призывая на помощь угодника Его Нила Чудотворца.

Егда же бысть день, услыша гонящихъ за собою на конехъ агарянь со псы своими. Обозревся же, видѣ варваровъ со обнаженными мечи быстро текущих и хотящихъ поѣсти его. И абие от страха и ужаса того паде на землю, плача зело и моля Господа о избавлении своемъ от горкия тоя смерти.

Видѣ же Господь того моление, покры его невидимо всемогущею Своею силою. И прескочиша чрезъ его кони и пси ихъ. Варвари же вопяху: «Гдѣ есть онъ?! Како его видѣхомъ, и сие — нѣсть его нигдѣже?!». И, много поискавше, не обрѣтоша, и тако возвратишася.

Он же, воставъ и обозрѣвся, никого же видѣвъ, велие благодарение возсылаше Богу и угоднику Его Нилу Чудотворцу о избавлении своемъ от напрасныя смерти. И паки поиде, радуясь, в путь свой.

И пришедъ к нѣкоей рекѣ, яже быше быстра зѣло и чрез всю степь оную течаше, даже и до моря. Перевозу же или мосту чрез нее не бѣ нигдѣже.

Агаряне, вѣдяше сию реку и яко далее оныя никакоже бѣ мощно итти, погнаша паки во слѣдъ его. И, постигше его у оныя реки, устремишася со обнаженными мечи, хотяше на улы расцепи его. Он же, назнаменавъ себѣ крестнымъ знаменемъ, въвержеся въ страшную ону реку. И понесенъ бысть <вставка на поле: быстриною оныя реки>, лежащу ему на воде, яко на ладни.

Варвари же стреляху въ него съ берега, но не можаху вредити его. И много рыскавше по брѣгу реки оныя </>, и, мневше его уже утонувша, возвратишася во своя.

Многое же время тако несену ему бывшу, принесеса ко берегу другия страны реки, и, хватився за брегъ, изыде на сухо, Богу и угоднику Его Нилу Чудотворцу хвалу воздая о избавлении своемъ.

Укрепився же пищею, поиде без боязни днемъ и нощию, питающися былиемъ и кореннями, яже въ степи той растяху, и тако доиде Россійскихъ градовъ, всѣмъ повѣдая яже о себѣ и како избави его Богъ от плѣнѣния агарянскаго чрез угодника Своего, преподобнаго Нила Чудотворца. И вси слышавши славику Бога и угодника Его и даяху ему проводники.

И сице достиже царствующаго града Москвы. И абие, не входя въ домъ свой, иде ко иконописцу, владе ему данный от преподобнаго Нила листъ со изображениемъ его и повелѣтъ написати образъ его тако, якоже бѣ на листу изображенъ. Бѣ бо подписано на листу оном и мера образа в длину и в ширину.

По семъ иде в домъ свой <к> чадомъ своимъ, и плакашеса вси вкукѣ </> от радости. Таже созва освященный соборъ, и певше молебная, вси

вкупѣ въздаша хвалу и благодарение Богу, творящему дивная чудеса угодники Своими. Потом представи трапезу и уреди всѣхъ доволно. Созва же и нищихъ множество и удовли всѣхъ брашномъ и питиемъ, и милостынею всѣхъ одари щедро. И бѣ в дому его радость и веселие, всемъ бо повѣдаше величия Божия, яже сотвори с нимъ Господь, — како изыде из горкаго плѣннения. И все, слышаще, глаголаху: «Слава Тебе, Боже, творящему дивная чудеса рабы Своими!».

Иконописецъ же, написавъ образъ преподобнаго Нила, Сорскаго чудотворца, возвести оному христоробиюму мужу. Той же со тщаниемъ прииде и, видевъ образъ преподобнаго, с радостными слезами и со страхомъ поклонися и облобыза его. Иконописца же одаривъ щедро за написание онаго. Сотвори же велие торжество, празднова праздникъ Нилу, преподобному чудотворцу, и, певше молебная, сотвори учреждение в дому своемъ.

По семь проводи образъ оный в Нильовъ скить со многую церковную потребою. И положень бысть на гробнице преподобнаго Нила и даже доднесь всѣми видомъ < /> есть, лежащъ и источающъ исцѣления с вѣрою приходящимъ, во славу Христа Бога и в прославление угодника Его, преподобнаго Нила Чудотворца.

#### ЧУДО ВТОРОЕ

Егда благовѣрный царь и великий князь Иоанъ Васильевичъ, нарицаемый Грозный, приходилъ на Бѣлоозеро во обитель преподобнаго Кирилла богомоления ради, тогда прииде и въ пустыню, или скить, къ преподобному Нилу, Сорскому чудотворцу. И, совершивъ молебное пение при гробѣ его, видѣ пустынное оное мѣсто уныло и вельми душеполезно, ко умилению же и слезамъ приводящо, прослави Бога и угодника Его житию почудився. Повелѣ же церковь каменную от своихъ царскихъ сокровищъ воздвигнути на мѣстѣ томъ. В то время явился ему преподобный Ниль и не повелѣ ставити церкви каменныя, ни же излишнему украшению быти в церквахъ. Проувѣде бо преподобный, якоже нѣщцы реша, от разбойникъ грабление быти имущее. Азь же мню, яко не мнѣ и сего ради не благоволи Богъ и угодникъ его от царя сего построеннѣй быти церкви, или храму, понеже сей, аще и благоверень бѣ, но премногия крови пролия и многия великия святыя мужи умучи и умертви, якоже история яже о немъ ясно являеть. И что дивно: аще пророку и богоотцу Давыду, о немже Самъ Богъ свидѣльствова, глаголя: «Обрѣтохъ Давыда, раба Моего, мужа по сердцу моему», — и егоже кротости и незлоби<ю> вси святии дивляхуса, — аще сему, глаголю, не бѣ позволено создати дому имене Господня, речено бо бѣ к нему от Господа: «Не созиждеша ты дому Моего, понеже многия крови пролия еси; но сынъ твой — той созиждеть домъ имени Моему», — сице убо и zde бысть. Но на предлежащая да возвратимся.

Царь убо по явлѣнни томъ даде жалованную свою грамоту в скить преподобнаго Нила Чудотворца за подписаниемъ царския своєю руки, дабы даваемо было ружное жалование, денежное и хлебное, повсегодно на пропитание живущей тамо братии. И та его грамота хранится в монастырской ризницѣ.

#### ЧУДО ТРЕТНЕ

Иерей нѣкий, Адамъ именовъ, живяше в скить преподобнаго Нила съ сыномъ своимъ, отрокомъ Михаиломъ. И нѣкогда посла его к пономарю ради <правщикомъ приписано: потребности> церковныя. Идущу же отроку тому, по повѣленію отца своего, срете его нѣки < /> дики < /> человекъ и, похва-

тивъ онаго, понесе, аки вихремь, и занесъ в непроходимыя мѣста и дебри, идѣже бѣше нѣкая храмина. Въ ту убо храмину внесъ, постави отрока посредѣ оныя. Бѣше же ту нѣки </> старый аки бы человекъ. Той рече къ ту сущей женѣ: «Корми отрока сего». И принесоша ему различныхъ зѣлий, и понуждаху его ясти. Онъ же никакоже хотѣше, но, стоя на единомъ мѣстѣ неподвижно, плакаше горко.

Отець же его, видевъ, яко долго не возвращаешся къ нему, начать искати его всюду, но нигдѣже обрѣте. Созвавъ убо всю братию, иде с ними в часовню, яже недалече от скита стоитъ, идѣже <правицомъ приписано: чудотворная> икона Пресвятыя Богородицы, честнаго ея Одигитрия, бѣше, ту убо нача совершати молебная пѣнія и призывати в помощь преподобнаго Нила Чудотворца со слезами.

И в той часъ узрѣ отрокъ оный преподобнаго Нила, пришедша и ставша предъ окномъ оныя храмины, в нейже стояше, и ударивша жезломъ по оконцу, и потрясея </> храмина. Сущи же ту ничистии души вси падоша ницѣ на землю.

Отрокъ же стояше и плакаше, зря к преподобному Нилу, и слыша его глаголюща: «О, окаяннии! Почто дерзните на святыи мой скитъ <правицомъ вставлено: и взяте> отрока сего? Но отнесите его скоро идеже взяте!». И дивий онъ, похвативъ отрока, понесе паки, аки вихремь, и, донесъ до мельницы скитския, постави его на санный стогъ, в скитъ бо не смѣяше нести. Начяте же отрокъ вопити на стогъ.

В то время идяше иерей оный от часовни съ братиею, и слышаху отрока вопиюща въ скитъ, и, дошедше, видеша его стояща на стогъ, прославиша Бога и угодника Его Нила Чудотворца. Начаша же отрока вопрошати о приключившихся ему, той же повѣда имъ вся бывшая. И от того времени бѣше отрокъ оный аки изумленъ и смиренъ зѣло. Иерей же оный от страха того изыде из скита с сыномъ своимъ.

Мы же, грѣшнии монаси скита сего, вся сия видѣхомъ и слышахомъ от отрока онаго, еже и написахомъ въ ползу чтущимъ и послушающимъ во славу же дивнаго во святыхъ Своихъ Христа Бога нашего и въ прославление угодника Его, преподобнаго Нила Чудотворца.

О прочтихъ же многихъ чудесъхъ преподобнаго отца нашего Нила не обрѣтохомъ писаниемъ положено. Но точию на многихъ мѣстѣхъ свидѣтельство таковое, и мы, здѣ живущи монаси, видѣхомъ премногия чудеса... </>

Азъ же грѣшный, елико возмогохъ собрати, написахъ со многимъ опасениемъ и тщаниемъ, по силѣ моеи, о всѣмъ житии преподобнаго отца, такожде и о чудесъхъ его, — не яко разумъ и ведение имѣя въ сицевыхъ, грубъ сый весма и неразумия всякаго исполненъ, но любовию влекомъ къ любезному мне богоносному отцу и на его помощь надеяся. Дернухъ </> на сие, яко да поне малую получу милость, многимъ грѣхомъ повинемъ </> сущи, — того молитвами, благодатию же Господа нашего Иисуса Христа, Емуже подобаетъ скаяя </> слава со безначальнымъ Его Отцемъ и Пресвятымъ и благимъ и животворящимъ Духомъ нынѣ и присно и во вѣки вѣковъ. Аминь.

### СВИДЕТЕЛЬСТВО ГРѢШ: </> I: </> НИКОНА

Во время моего в пустыни сей пребывания и я, грѣшный Никонъ, много — воистину — видѣлъ чудодѣйствий...! великаго нашего отца!.. Нила преподобнаго!..... Какъ — общественныя — такъ и относительно ко мне — недостойному. Что, свидѣтельствую — моею совестию... также и явления его... Но написать — подражая прднимъ </> — скита сего си: старцѣмъ не осмелюся.

Убоги — и грѣшныи с: i: Никонъ Сухий.